



Repetitio Clem. I. Ut Clericorum De Officio Ordinarii

Aufréri, Étienne

Leodii, 1702

Summaria Ad Regul. 3.

[urn:nbn:de:hbz:466:1-63069](https://nbn-resolving.org/urn:nbn:de:hbz:466:1-63069)

IN ECCLESIASTICOS. 307

Sicut enim consideratur jus loci contractus delicti vel li. super qua quæstio sita est, ita & personæ qualitatem inspicere oportet, cum de jure principaliter personam tangente quæritur & secundum illud judicari oportet, coram quocunque judice agatur. *fa. cap. 1. de jure patro. lib. 6. & de privile. cap. porro secundum unam lectionem.* Et ideo statuto cavetur laicorum, quod solutio debiti probari non possit per testes, clericus illo statuto non afficitur, licet litiget coram judice sæculari, sed salvum sibi remanet jus probandi per testes, ita dicit Sicul, post Cal, *in allegato. cap. quod clerici, & Ancha. in alleg. quæstione finali.*

S U M M A R I A

Ad Regul. 3.

- 1 Manus violentas iniiciens in Clericum est ipso jure excommunicatus.
- 2 Percutiens conversos sæcularium Ecclesiarum an sit excommunicatus.
- 3 Mulieres quæ Canonice sæculares dicuntur percutientes an sint excommunicati.
- 4 Beguinæ an gaudere debeant privilegij Clericorum.
- 5 Detinens Clericum in custodiam publicam an excommunicationis sententiam incurrat.
- 6 Mandans iniici manus violentas in Clericum, an habendus sit pro excommunicato.
7. Dolo inducens alium ad percutiendum Clericum an veniat excommunicandus.

8 Pro-

8. Prohibere valens percussione[m] Clerici, nec cohibens, habetur pro percussore & est excommunicatus.
9. Manus violentas iniiciens in Clericum qui voluntarie se verberibus subijcit, an sit excommunicatus, an & ipse etiam Clericus.
10. Clericus se ipsum temerarie percutiens, an sit excommunicatus.
11. Clericos de mandato prelatorum percutientes an sententiam excommunicationis incurrant.
12. Clericus non debet à laico torqueri.
13. Prelatus ex causa corrigens Clericum licet iracundè an sit excommunicatus.
14. Laicus etiam privatus an possit Clericum in crimine flagranti repertum capere specialiter si sit de fuga suspectus.
15. Laicus potest Clericum debitorem suum fugientem, vel de fuga suspectum aut rem asportantem capere etiam sine metu excommunicationis.
16. Confessio Clerici facta coram Iudice seculari, an sit sufficiens indicium ad torturam.
17. Clericus non potest torqueri, nisi sit infamatus de crimine.
18. Clericum alterum invadentem, licet impunè percutere.
19. Clericum percutiens si modum excedat defensionis, non tamen ex proposito venis excommunicatus.

- 20 Percutiens Clericum turpiter inventum cum sibi propinqua, an excommunicationem incurrit.
- 21 Percutiens Clericum si Clericatum ignoret, venit excusandus.
- 22 Invasor Sedis Apostolicæ potest à Laicis impunè repelli.
- 23 Doli in capax percutiens Clericum, non peccat mortaliter,

TERTIA REGULA.

Concernens privilegium Clericorum personale. Cum 8. declarationibus & 12. Fallentibus.
vid. et infra pag. 474.

Qui violentas manus in Clericum iniicit, ipso jure excommunicatus est Cap. Si quis suadente. 17. quæst. 4.

Idem de monachis aut monialibus Canonici aut cujuslibet religionis converso vel conversa aut novitio cujuslibet religionis cap. Cunctis, cap. Non dubium cap. veniens cap. Cum illorum cap. de monialibus de sententia excommunicationis cap. Religioso. eodem tit. in 6.

A D D E.

Percutiens Clericum, impias manus in ipsum inferens jure Civili capite punitur. Jure Canonico